

# 地藏菩薩本願經序

說明二卷三卷雖異  
經文完全是同之由

地藏菩薩。誓願宏深。慈悲廣大。於無量劫前。固已滿證三德祕藏。但以度生情殷。不居佛位。悲運同體。慈起無緣。分身塵刹。度脫眾生。其所度之法。與所度之人。三世諸佛莫由盡說。而況娑婆眾生。剛強難化。以故菩薩於此世界。因緣甚深。故如來於忉利天。放光集眾。發明菩薩往劫因行。及發願等事。即所謂眾生度盡。方證菩提。地獄未空。誓不成佛。何幸娑婆。有此特怙。此經文雖淺顯。理極宏深。世多不察。謂為專談因果。以誘

愚迷。其於菩薩孝心純篤。願力廣大。三世諸佛莫能讚。九界眾生咸依歸之旨。均未計及。是何異棄金擔麻。買櫝還珠乎哉。此經二卷十三品。唐實叉難陀所譯。從前雖有法燈法炬所譯之本。自蓮池大師主張實叉之本之後。法燈之本便不流通。即實叉之本。又有二卷三卷之別。人多疑之。須知二卷係藏本。三卷係流通本。藏本上卷六品。下卷七品。流通本上卷四品。中卷五品。下卷四品。卷雖不同。經文無異。但傳布既久。閒有字句稍異者。固宜以藏本為主。亦不必改治流通本。以二本並行。了無所礙故也。

民國十九年庚午仲春常慚愧僧釋印光謹撰

# 地藏菩薩本願經

## 爐香讚

爐香乍爇 法界蒙熏 諸佛海會悉遙  
聞 隨處結祥雲 誠意方殷 諸佛現  
全身 南無香雲蓋菩薩摩訶薩

三稱

## 覺林菩薩偈

華嚴第四會。夜摩天宮。無量菩薩來集。說  
偈讚佛。爾時覺林菩薩。承佛威力。徧觀十  
方。而說頌言。

譬如工畫師。分布諸彩色。虛妄取異相。大

種無差別。大種中無色。色中無大種。亦不離大種。而有色可得。心中無彩畫。彩畫中無心。然不離於心。有彩畫可得。彼心恆不住。無量難思議。示現一切色。各各不相知。譬如工畫師。不能知自心。而由心故畫。諸法性如是。心如工畫師。能畫諸世間。五蘊悉從生。無法而不造。如心佛亦爾。如佛衆生然。應知佛與心。體性皆無盡。若人知心行。普造諸世間。是人則見佛。了佛真實性。心不住於身。身亦不住心。而能作佛事。自

在未曾有。若人欲了知。三世一切佛。應觀法界性。一切唯心造。

昔人有云。一偈之功。能破地獄。何況此全一章偈耶。願思此言。勉共傳誦。

### 讚地藏菩薩偈

稽首本然淨心地 無盡佛藏大慈尊

南方世界湧香雲 香雨花雲及花雨

寶雨寶雲無數種 爲祥爲瑞徧莊嚴

天人問佛是何因 佛言地藏菩薩至

三世如來同讚歎 十方菩薩共歸依

我今宿植善因緣 稱揚地藏真功德

慈因積善。誓救衆生。手中金錫。振開地獄

之門。掌上明珠。光攝大千世界。智慧音裏。  
吉祥雲中。爲閻浮提苦衆生。作大證明功  
德主。大悲大願。大聖大慈。本尊地藏菩薩  
摩訶薩。

南無本師釋迦牟尼佛

三稱

## 開經偈

無上甚深微妙法  
百千萬劫難遭遇  
我今見聞得受持  
願解如來真實義

# 地藏菩薩本願經卷上

唐于闐國三藏沙門實叉難陀譯

勿<sub>レ</sub>々 忉利天宮神通品第一

如是我聞。一時佛在忉<sub>レ</sub>利天。爲母說法。爾時十方無量世界。不可說不可說一切諸

地藏菩薩本願經卷上 忉利天宮神通品第一

佛及大菩薩摩訶薩。皆來集會。讚歎釋迦牟尼佛。能於五濁惡世。現不可思議大智慧神通之力。調伏剛強衆生。知苦樂法。各遣侍者。問訊世尊。是時如來含笑。放百千萬億大光明雲。所謂大圓滿光明雲。大慈

悲光明雲。大智慧光明雲。大般若光明雲。  
大三昧光明雲。大吉祥光明雲。大福德光  
明雲。大功德光明雲。大歸依光明雲。大讚  
歎光明雲。放如是等不可說光明雲已。又  
出種種微妙之音。所謂檀波羅密音。尸波

地藏菩薩本願經卷上 忉利天宮神通品第一

羅密音。イマ羸提波羅密音。クニ毗離耶波羅密音。  
禪波羅密音。般若波羅密音。慈悲音。喜捨  
音。解脫音。無漏音。智慧音。大智慧音。師子  
吼音。大師子吼音。雲雷音。大雲雷音。出如  
是等不可說不可說音已。クニ娑婆世界及他

方國土。有無量億天龍鬼神。亦集到<sup>勿么</sup>忉利  
天宮。所謂四天王天。<sup>勿么</sup>忉利天。須臾摩天。兜  
率陀天。化樂天。他化自在天。梵衆天。梵輔  
天。大梵天。少光天。無量光天。光音天。少淨  
天。無量淨天。徧淨天。福生天。福愛天。廣果

地藏菩薩本願經卷上 忉利天宮神通品第一

天。無想天。無煩天。無熱天。善見天。善現天。  
色究竟天。摩醯<sup>ト</sup>首羅天。乃至非想非非想  
處天。一切天衆。龍衆。鬼神等衆。悉來集會。  
復有他方國土及<sup>ムク</sup>娑婆世界。海神。江神。河  
神。樹神。山神。地神。川澤神。苗稼神。晝神。夜



神。空神。天神。飲食神。草木神。如是等神。皆  
來集會。復有他方國土及娑婆世界諸大  
鬼王。所謂惡目鬼王。噉血鬼王。噉精氣鬼  
王。噉胎卵鬼王。行病鬼王。攝毒鬼王。慈心  
鬼王。福利鬼王。大愛敬鬼王。如是等鬼王。

地藏菩薩本願經卷上 忉利天宮神通品第一

皆來集會。爾時釋迦牟尼佛。告文殊師利  
法王子菩薩摩訶薩。汝觀是一切諸佛菩  
薩及天龍鬼神。此世界他世界。此國土他  
國土。如是今來集會。到忉利天者。汝知數  
不。文殊師利白佛言。世尊。若以我神力。千

劫測度。不能得知。佛告文殊師利。吾以佛  
眼觀故。猶不盡數。此皆是地藏菩薩久遠  
劫來。已度。當度。未度。已成就。當成就。未成  
就。文殊師利白佛言。世尊。我已過去久修  
善根。證無礙智。聞佛所言。即當信受。小果

地藏菩薩本願經卷上 忉利天宮神通品第一

聲聞。天龍八部及未來世諸衆生等。雖聞  
如來誠實之語。必懷疑惑。設使頂受。未免  
興謗。唯願世尊。廣說地藏菩薩摩訶薩。因  
地作何行。立何願。而能成就不思議事。佛  
告文殊師利。譬如三千大千世界。所有草

木叢林。稻麻竹葦。山石微塵。一物一數。作一恆河。一恆河沙。一沙一界。一界之內。一塵一劫。一劫之內。所積塵數。盡充爲劫。地藏菩薩證十地果位已來。千倍多於上喻。何況地藏菩薩在聲聞辟支佛地。文殊師

地藏菩薩本願經卷上 忉利天宮神通品第一

利。此菩薩威神誓願。不可思議。若未來世。有善男子善女人。聞是菩薩名字。或讚歎。或瞻禮。或稱名。或供養。乃至彩畫刻鏤<sup>カク</sup>塑漆形像。是人當得百返生於三十三天。永不墮惡道。文殊師利。是地藏菩薩摩訶薩。

於過去久遠不可說不可說劫前。身爲大長者子。時世有佛。號曰師子奮迅。具足萬行如來。時長者子。見佛相好。千福莊嚴。因問彼佛。作何行願。而得此相。時師子奮迅具足萬行如來。告長者子。欲證此身。當須

地藏菩薩本願經卷上 忉利天宮神通品第一

久遠。度脫一切受苦衆生。文殊師利。時長者子。因發願言。我今盡未來際。不可計劫。爲是罪苦六道衆生。廣設方便。盡令解脫。而我自身。方成佛道。以是於彼佛前。立斯大願。於今百千萬億那由他。不可說劫。尚

爲菩薩。又於過去不可思議阿僧祇劫。時世有佛。號曰覺華定自在王如來。彼佛壽命四百千萬億阿僧祇劫。像法之中。有一婆羅門女。宿福深厚。衆所欽敬。行住坐臥。諸天衛護。其母信邪。常輕三寶。是時聖女。

地藏菩薩本願經卷上 忉利天宮神通品第一

廣設方便。勸誘其母。令生正見。而此女母。未全生信。不久命終。魂神墮在無間地獄。時婆羅門女。知母在世。不信因果。計當隨業。必生惡趣。遂賣家宅。廣求香華及諸供具。於先佛塔寺。大興供養。見覺華定自在

王如來。其形像在一寺中。塑畫威容。端嚴畢備。時婆羅門女。瞻禮尊容。倍生敬仰。私自念言。佛名大覺。具一切智。若在世時。我母死後。儻たろ來問佛。必知處所。時婆羅門女。垂泣良久。瞻戀如來。忽聞空中聲曰。泣者

地藏菩薩本願經卷上 忉利天宮神通品第一

聖女。勿至悲哀。我今示汝母之去處。婆羅門女。合掌向空。而白空曰。是何神德。寬我憂慮。我自失母已來。晝夜憶戀。無處可問。知母生界。時空中有聲。再報女曰。我是汝所瞻禮者。過去覺華定自在王如來。見汝

憶母。倍於常情。衆生之分。故來告示。婆羅門女聞此聲已。舉身自撲。支節皆損。左右扶持。良久方穌。而白空曰。願佛慈愍<sup>ロク</sup>。速說我母生界。我今身心將死不久。時覺華定自在。王如來告聖女曰。汝供養畢。但早返

地藏菩薩本願經卷上 忉利天宮神通品第一

舍。端坐思惟吾之名號。即當知母所生去處。時婆羅門女尋禮佛已。即歸其舍。以憶母故。端坐念覺華定自在。王如來經一日一夜。忽見自身。到一海邊。其水涌沸<sup>ヒツ</sup>。多諸惡獸。盡復鐵身。飛走海上。東西馳逐。見諸

男子女人。百千萬數。出沒海中。被諸惡獸。爭取食噉。クマ又見夜叉。其形各異。或多手多眼。多足多頭。口牙外出。利刃如劍。驅諸罪人。使近惡獸。復自搏攫。ヒコセ頭足相就。其形萬類。不敢久視。時婆羅門女。以念佛力故。自

地藏菩薩本願經卷上 忉利天宮神通品第一

然無懼。有一鬼王。名曰無毒。稽首來迎。白聖女曰。善哉菩薩。何緣來此。時婆羅門女。問鬼王曰。此是何處。無毒答曰。此是大鐵圍山。西面第一重海。聖女問曰。我聞鐵圍之內。地獄在中。是事實不。無毒答曰。實有



地獄。聖女問曰。我今云何得到獄所。無毒  
答曰。若非威神。即須業力。非此二事。終不  
能到。聖女又問。此水何緣。而乃涌沸。多諸  
罪人。及以惡獸。無毒答曰。此是閻浮提。造  
惡衆生。新死之者。經四十九日後。無人繼

地藏菩薩本願經卷上 忉利天宮神通品第一

嗣。爲作功德。救拔苦難。生時又無善因。當  
據本業。所感地獄。自然先渡此海。海東十  
萬由旬。又有一海。其苦倍此。彼海之東。又  
有一海。其苦復倍。三業惡因之所招感。共  
號業海。其處是也。聖女又問。鬼王無毒曰。

地獄何在。無毒答曰。三海之內。是大地獄。其數百千。各各差別。所謂大者。具有十八。次有五百。苦毒無量。次有千百。亦無量苦。聖女又問大鬼王曰。我母死來未久。不知魂神當至何趣。鬼王問聖女曰。菩薩之母。

地藏菩薩本願經卷上 忉利天宮神通品第一

在生習何行業。聖女答曰。我母邪見。譏毀三寶。設或暫信。旋又不敬。死雖曰淺。未知生處。無毒問曰。菩薩之母。姓氏何等。聖女答曰。我父我母。俱婆羅門種。父號尸羅善現。母號悅帝利。無毒合掌。啓菩薩曰。願聖

者却返本處。無至憂憶悲戀。悅帝利罪女。生天以來。經今三日。云承孝順之子。爲母設供修福。布施覺華定自在王如來塔寺。非唯菩薩之母。得脫地獄。應是無間罪人。此日悉得受樂。俱同生訖。鬼王言畢。合掌

地藏菩薩本願經卷上 忉利天宮神通品第一

而退。婆羅門女。尋如夢歸。悟此事已。便於覺華定自在王如來塔像之前。立弘誓願。願我盡未來劫。應有罪苦衆生。廣設方便。使令解脫。佛告文殊師利。時鬼王無毒者。當今財首菩薩是。婆羅門女者。即地藏菩

薩是。

## 分身集會品第二

爾時百千萬億。不可思不可議不可量不  
可說無量阿僧祇<sub>ク</sub>世界。所有地獄處。分身  
地藏菩薩。俱來集在忉利<sub>ク</sub>天宮。以如來神

地藏菩薩本願經卷上 分身集會品第二

力故。各以方面。與諸得解脫。從業道出者。  
亦各有千萬億那由他數。共持香華。來供  
養佛。彼諸同來等輩。皆因地藏菩薩教化。  
永不退轉於阿耨<sub>ク</sub>多羅三藐三菩提。是諸  
衆等。久遠劫來。流浪生死。六道受苦。暫無

休息。以地藏菩薩。廣大慈悲。深誓願故。各  
獲果證。既至<sup>勿</sup>切利。心懷踊躍。瞻仰如來。目  
不暫捨。爾時世尊舒金色臂。摩百千萬億  
不可思不可議不可量不可說無量阿僧  
祇<sup>レ</sup>世界。諸分身地藏菩薩摩訶薩頂。而作

地藏菩薩本願經卷上 分身集會品第二

是言。吾於五濁惡世。教化如是剛強衆生。  
令心調伏。捨邪歸正。十有一二。尚惡習在。  
吾亦分身千百億。廣設方便。或有利根。聞  
即信受。或有善果。勤勸成就。或有暗鈍。久  
化方歸。或有業重。不生敬仰。如是等輩衆

生。各各差別。分身度脫。或現男子身。或現  
女人身。或現天龍身。或現神鬼身。或現山  
林川原。河池泉井。利及於人。悉皆度脫。或  
現天帝身。或現梵王身。或現轉輪王身。或  
現居士身。或現國王身。或現宰輔身。或現

地藏菩薩本願經卷上 分身集會品第二

官屬身。或現比丘。比丘尼。優婆塞。優婆夷  
身。乃至聲聞。羅漢。辟支佛。菩薩等身。而以  
化度。非但佛身獨現其前。汝觀吾累劫勤  
苦。度脫如是等。難化剛強罪苦衆生。其有  
未調伏者。隨業報應。若墮惡趣。受大苦時。

汝當憶念。吾在<sup>クハ</sup>忉利天宮。殷懃付囑。令娑<sup>クハ</sup>婆世界。至彌勒出世已來衆生。悉使解脫。永離諸苦。遇佛授記。爾時諸世界分身地藏菩薩。共復一形。涕淚哀戀。白其佛言。我從久遠劫來。蒙佛接引。使獲不可思議神

地藏菩薩本願經卷上 分身集會品第二

力。具大智慧。我所分身。徧滿百千萬億恆河沙世界。每一世界。化百千萬億身。每一身。度百千萬億人。令歸敬三寶。永離生死。至<sup>クハ</sup>涅槃<sup>クハ</sup>樂。但於佛法中。所爲善事。一毛一<sup>クハ</sup>涕。一沙一塵。或毫髮許。我漸度脫。使獲大

利。唯願世尊。不以後世惡業衆生爲慮。如是三白佛言。唯願世尊。不以後世惡業衆生爲慮。爾時佛讚地藏菩薩言。善哉善哉。吾助汝喜。汝能成就。久遠劫來。發弘誓願。廣度將畢。即證菩提。

地藏菩薩本願經卷上 觀衆生業緣品第三

### 觀衆生業緣品第三

爾時佛母摩耶夫人。恭敬合掌。問地藏菩薩言。聖者。閻浮衆生。造業差別。所受報應。其事云何。地藏答言。千萬世界。乃至國土。或有地獄。或無地獄。或有女人。或無女人。



或有佛法。或無佛法。乃至聲聞。辟支佛。亦復如是。非但地獄罪報一等。摩耶夫人重白菩薩。且願聞於閻浮ㄟ罪報。所感惡趣。地藏答言。聖母。唯願聽受。我粗說之。佛母白言。願聖者說。爾時地藏菩薩白聖母言。南

地藏菩薩本願經卷上 觀眾生業緣品第三

閻浮ㄟ提罪報名號如是。若有衆生。不孝父母。或至殺害。當墮無間地獄。千萬億劫。求出無期。若有衆生。出佛身血。毀謗三寶。不敬尊經。亦當墮於無間地獄。千萬億劫。求出無期。若有衆生。侵損常住。點污ㄟ僧尼。或

伽藍內。恣行淫欲。或殺或害。如是等輩。當墮無間地獄。千萬億劫。求出無期。若有衆生。僞作沙門。心非沙門。破用常住。欺誑白衣。違背戒律。種種造惡。如是等輩。當墮無間地獄。千萬億劫。求出無期。若有衆生。偷

地藏菩薩本願經卷上 觀衆生業緣品第三

竊常住。財物穀米。飲食衣服。乃至一物不與取者。當墮無間地獄。千萬億劫。求出無期。地藏白言。聖母。若有衆生。作如是罪。當墮五無間地獄。求暫停苦。一念不得。摩耶夫人重白地藏菩薩言。云何名爲無間地

獄。地藏白言。聖母。諸有地獄在大鐵圍山之內。其大地獄有一十八所。次有五百名號各別。次有千百名字亦別。無間獄者。其獄城周帀<sup>PY</sup>八萬餘里。其城純鐵。高一萬里。城上火聚。少有空缺。其獄城中。諸獄相連。

地藏菩薩本願經卷上 觀眾生業緣品第三

名號各別。獨有一獄。名曰無間。其獄周帀<sup>PY</sup>萬八千里。獄牆高一千里。悉是鐵爲。上火徹下。下火徹上。鐵蛇鐵狗。吐火馳逐。獄牆之上。東西而走。獄中有床。徧滿萬里。一人受罪。自見其身。徧臥滿床。千萬人受罪。亦

各自見。身滿床上。衆業所感。獲報如是。又  
諸罪人。備受衆苦。千百夜叉。及以惡鬼。口  
牙如劍。眼如電光。手復銅爪。拖拽一七罪人。復  
有夜叉。執大鐵戟一八。中罪人身。或中口鼻。或  
中腹背。拋空翻接。或置床上。復有鐵鷹一九。啗

地藏菩薩本願經卷上 觀衆生業緣品第三

罪人。目復有鐵蛇。繳罪人頸。百肢節內。悉  
下長釘。拔舌耕犁。抽腸剉二〇斬。洋銅灌口。熱  
鐵纏身。萬死千生。業感如是。動經億劫。求  
出無期。此界壞時。寄生他界。他界次壞。轉  
寄他方。他方壞時。展轉相寄。此界成後。還

復而來。無間罪報。其事如是。又五事業感。故稱無間。何等爲五。一者。日夜受罪。以至劫數。無時間絕。故稱無間。二者。一人亦滿。多人亦滿。故稱無間。三者。罪器。叉棒。鷹蛇。狼犬。碓磨。鋸鑿。剉斫。鑊湯。鐵網。鐵繩。鐵驢。

地藏菩薩本願經卷上 觀眾生業緣品第三

鐵馬。生革絡首。熱鐵澆身。飢吞鐵丸。渴飲鐵汁。從年竟劫。數那由他。苦楚相連。更無間斷。故稱無間。四者。不問男子女人。羌胡夷狄。老幼貴賤。或龍或神。或天或鬼。罪行業感。悉同受之。故稱無間。五者。若墮此獄。

從初入時。至百千劫。一日一夜。萬死萬生。求一念間。暫住不得。除非業盡。方得受生。以此連綿。故稱無間。地藏菩薩白聖母言。無間地獄。粗說如是。若廣說地獄罪器等名及諸苦事。一劫之中。求說不盡。摩耶夫

地藏菩薩本願經卷上 閻浮眾生業感品第四

人聞已。愁憂合掌。頂禮而退。

#### 閻浮三眾生業感品第四

爾時地藏菩薩摩訶薩白佛言。世尊。我承佛如來威神力故。徧百千萬億世界。分是身形。救拔一切業報眾生。若非如來大慈

力故。即不能作如是變化。我今又蒙佛付  
囑。至阿逸多成佛已來。六道衆生。遣令度  
脫。唯然。世尊。願不有慮。爾時佛告地藏菩  
薩。一切衆生未解脫者。性識無定。惡習結  
業。善習結果。爲善爲惡。逐境而生。輪轉五

地藏菩薩本願經卷上 閻浮眾生業感品第四

道。暫無休息。動經塵劫。迷惑障難。如魚遊  
網。將是長流。脫入暫出。又復遭網。以是等  
輩。吾當憂念。汝既畢。是往願。累劫重誓。廣  
度罪輩。吾復何慮。說是語時。會中有一菩  
薩摩訶薩。名定自在王。白佛言。世尊。地藏

菩薩累劫已來。各發何願。今蒙世尊慇懃讚歎。唯願世尊略而說之。爾時世尊告定自在王菩薩。諦聽諦聽。善思念之。吾當爲汝分別解說。乃往過去無量阿僧祇那由他不可說劫。爾時有佛。號一切智成就如

地藏菩薩本願經卷上 閻浮眾生業感品第四

來。應供。正徧知。明行足。善逝。世間解。無上士。調御丈夫。天人師。佛。世尊。其佛壽命六萬劫。未出家時。爲小國王。與一鄰國王爲友。同行十善。饒益衆生。其鄰國內。所有人。民。多造衆惡。二王議計。廣設方便。一王發



願。早成佛道。當度是輩。令使無餘。一王發願。若不先度罪苦。令是安樂。得至菩提。我終未願成佛。佛告定自在王菩薩。一王發願。早成佛者。即一切智成就如來是。一王發願。永度罪苦衆生。未願成佛者。即地藏

地藏菩薩本願經卷上 閻浮眾生業感品第四

菩薩是。復於過去無量阿僧祇劫。有佛出世。名清淨蓮華目如來。其佛壽命四十劫。像法之中。有一羅漢。福度衆生。因次教化。遇一女人。字曰光目。設食供養。羅漢問之。欲願何等。光目答言。我以母亡之日。資福

救拔。未知我母生處何趣。羅漢愍之ロク。爲入  
定觀。見光曰。女母墮在惡趣。受極大苦。羅  
漢問光曰。言汝母在生作何行業。今在惡  
趣。受極大苦。光曰。答言。我母所習。唯好食  
噉魚鼈之屬。所食魚鼈。多食其子。或炒或

地藏菩薩本願經卷上 閻浮眾生業感品第四

煮。恣情食噉クマ。計其命數。千萬復倍。尊者慈  
愍。如何哀救。羅漢愍之ロク。爲作方便。勸光曰。  
言。汝可志誠。念清淨蓮華。曰。如來兼塑畫  
形像。存亡獲報。光曰。聞已。即捨所愛。尋畫  
佛像。而供養之。復恭敬心。悲泣瞻禮。忽於

夜後。夢見佛身。金色晃耀。如須彌山。放大光明。而告光曰。汝母不久。當生汝家。纔覺チカ飢寒。即當言說。其後家內婢生一子。未滿三日。而乃言說。稽首悲泣。告於光曰。生死業緣。果報自受。吾是汝母。久處暗冥。自別

地藏菩薩本願經卷上 閻浮眾生業感品第四

汝來。累墮大地獄。蒙汝福力。方得受生。爲下賤人。又復短命。壽年十三。更落惡道。汝有何計。令吾脫免。光曰。聞說。知母無疑。哽咽悲啼。而白婢子。既是我母。合知本罪。作何行業。墮於惡道。婢子答言。以殺害毀罵

二業受報。若非蒙福。救拔吾難。以是業故。未合解脫。光曰問言。地獄罪報。其事云何。婢子<sup>ウメ</sup>答言。罪苦之事。不忍稱說。百千歲中。卒白難竟。光曰聞已。啼淚號泣。而白空界。願我之母。永脫地獄。畢十三歲。更無重罪。

地藏菩薩本願經卷上 閻浮眾生業感品第四

及歷惡道。十方諸佛。慈哀愍我<sup>ウメ</sup>。聽我爲母。所發廣大誓願。若得我母。永離三塗。及斯下賤。乃至女人之身。永劫不受者。願我自今日後。對清淨蓮華。目如來像前。却後百千萬億劫中。應有世界。所有地獄。及三惡

道。諸罪苦衆生。誓願救拔。令離地獄惡趣。畜生餓鬼等。如是罪報等人。盡成佛竟。我然後方成正覺。發誓願已。具聞清淨蓮華。目如來而告之曰。光目。汝大慈愍コク。善能爲母。發如是大願。吾觀汝母。十三歲畢。捨此

地藏菩薩本願經卷上 閻浮眾生業感品第四

報已。生爲梵志。壽年百歲。過是報後。當生無憂國土。壽命不可計劫。後成佛果。廣度人天。數如恆河沙。佛告定自在王。爾時羅漢。福度光目者。即無盡意菩薩是。光目母者。即解脫菩薩是。光目女者。即地藏菩薩

是過去久遠劫中。如是慈愍發恆河沙願。廣度衆生。未來世中。若有男子女人。不行善者。行惡者。乃至不信因果者。邪淫妄語者。兩舌惡口者。毀謗大乘者。如是諸業衆生。必墮惡趣。若遇善知識。勸令一彈指間。

地藏菩薩本願經卷上 閻浮眾生業感品第四

歸依地藏菩薩。是諸衆生。即得解脫三惡道報。若能志心歸敬。及瞻禮讚歎。香華衣服。種種珍寶。或復飲食。如是奉事者。未來百千萬億劫中。常在諸天。受勝妙樂。若天福盡。下生人間。猶百千劫。常爲帝王。能憶

宿命。因果本末。定自在王。如是地藏菩薩。有如此不可思議大威神力。廣利衆生。汝等諸菩薩。當記是經。廣宣流布。定自在王。白佛言。世尊。願不有慮。我等千萬億菩薩。摩訶薩。必能乘佛威神。廣演是經。於閻浮

地藏菩薩本願經卷上 閻浮眾生業感品第四

提。利益衆生。定自在王菩薩白世尊已。合掌恭敬。作禮而退。爾時四方天王俱從座起。合掌恭敬白佛言。世尊。地藏菩薩。於久遠劫來。發如是大願。云何至今猶度未絕。更發廣大誓願。唯願世尊。爲我等說。佛告

四天王。善哉善哉。吾今爲汝及未來現在  
天人衆等。廣利益故。說地藏菩薩於娑婆  
世界。閻浮提內。生死道中。慈悲救拔。度脫  
一切罪苦衆生。方便之事。四天王言。唯然。  
世尊。願樂欲聞。佛告四天王。地藏菩薩久

地藏菩薩本願經卷上 閻浮眾生業感品第四

遠劫來。迄至於今。度脫衆生。猶未畢願。慈  
愍此世罪苦衆生。復觀未來無量劫中。因  
蔓不斷。以是之故。又發重願。如是菩薩於  
娑婆世界。閻浮提中。百千萬億方便。而爲  
教化。四天王。地藏菩薩。若遇殺生者。說宿



殃短命報。若遇竊盜者。說貧窮苦楚報。若  
遇邪淫者。說雀鴿鴛鴦報。若遇惡口者。說  
眷屬鬪諍報。若遇毀謗者。說無舌瘡口報。  
若遇瞋恚者。說醜陋癰殘報。若遇慳吝者。  
說所求違願報。若遇飲食無度者。說飢渴

地藏菩薩本願經卷上 閻浮眾生業感品第四

咽病報。若遇畋獵恣情者。說驚狂喪命報。  
若遇悖逆父母者。說天地災殺報。若遇燒  
山林木者。說狂迷取死報。若遇前後父母  
惡毒者。說返生鞭撻現受報。若遇網捕生  
雛者。說骨肉分離報。若遇毀謗三寶者。說

盲聾瘖癡報。若遇輕法慢教者。說永處惡道報。若遇破用常住者。說億劫輪迴地獄報。若遇汚梵誣僧者。說永在畜生報。若遇湯火斬斫傷生者。說輪迴遞償報。若遇破戒犯齋者。說禽獸飢餓報。若遇非理毀用

地藏菩薩本願經卷上 閻浮眾生業感品第四

者。說所求闕絕報。若遇吾我貢高者。說卑使下賤報。若遇兩舌鬪亂者。說無舌百舌報。若遇邪見者。說邊地受生報。如是等閻浮提衆生。身口意業。惡習結果。百千報應。今粗略說。如是等閻浮提衆生。業感差別。

地藏菩薩百千方便。而教化之。是諸衆生。先受如是等報。後墮地獄。動經劫數。無有出期。是故汝等護人護國。無令是諸衆業。迷惑衆生。四天王聞已。涕淚悲歎。合掌而退。

地藏菩薩本願經卷上 地獄名號品第五

## 地獄名號品第五

爾時普賢菩薩摩訶薩。白地藏菩薩言。仁者。願爲天龍四衆及未來現在一切衆生。說娑婆世界及閻浮提<sup>ニマ</sup>罪苦衆生。所受報處。地獄名號及惡報等事。使未來世末法

衆生。知是果報。地藏答言。仁者。我今承佛  
威神及大士之力。略說地獄名號及罪報  
惡報之事。仁者。閻浮提<sub>二五</sub>東方有山。號曰鐵  
圍。其山黑邃<sub>六六</sub>。無日月光。有大地獄。號極無  
間。又有地獄。名大阿鼻。復有地獄。名曰四

地藏菩薩本願經卷上 地獄名號品第五

角。復有地獄。名曰飛刀。復有地獄。名曰火  
箭。復有地獄。名曰夾山。復有地獄。名曰通  
槍。復有地獄。名曰鐵車。復有地獄。名曰鐵  
床。復有地獄。名曰鐵牛。復有地獄。名曰鐵  
衣。復有地獄。名曰千刃。復有地獄。名曰鐵

驢。復有地獄。名曰洋銅。復有地獄。名曰抱  
柱。復有地獄。名曰流火。復有地獄。名曰耕  
舌。復有地獄。名曰剝首クハ。復有地獄。名曰燒  
脚。復有地獄。名曰啗眼クハ。復有地獄。名曰鐵  
丸。復有地獄。名曰諍論。復有地獄。名曰鐵

地藏菩薩本願經卷上 地獄名號品第五

鉢クハ。復有地獄。名曰多瞋。地藏白言。仁者。鐵  
圍之內。有如是等地獄。其數無限。更有叫クハ  
喚地獄。拔舌地獄。糞尿地獄。銅鎖地獄。火  
象地獄。火狗地獄。火馬地獄。火牛地獄。火  
山地獄。火石地獄。火床地獄。火梁地獄。火

鷹地獄。鋸牙地獄。剝皮地獄。飲血地獄。燒手地獄。燒脚地獄。倒刺地獄。火屋地獄。鐵屋地獄。火狼地獄。如是等地獄。其中各各復有諸小地獄。或一。或二。或三。或四。乃至百千。其中名號。各各不同。地藏菩薩告普

地藏菩薩本願經卷上 地獄名號品第五

賢菩薩言。仁者。此者皆是南閻浮提フチ行惡衆生。業感如是。業力甚大。能敵須彌。能深巨海。能障聖道。是故衆生。莫輕小惡。以爲無罪。死後有報。纖毫受之。父子至親。岐路ク各別。縱然相逢。無肯代受。我今承佛威力。

略說地獄罪報之事。唯願仁者暫聽是言。普賢答言。吾以久知三惡道報。望仁者說。令後世末法。一切惡行衆生。聞仁者說。使令歸佛。地藏白言。仁者。地獄罪報。其事如是。或有地獄。取罪人舌。使牛耕之。或有地

地藏菩薩本願經卷上 地獄名號品第五

獄。取罪人心。夜叉食之。或有地獄。鑊湯盛沸。煮罪人身。或有地獄。赤燒銅柱。使罪人抱。或有地獄。使諸火燒。趁及罪人。或有地獄。一向寒冰。或有地獄。無限糞尿。或有地獄。純飛鏃。或有地獄。多攢火槍。或有地

獄。唯撞胸背。或有地獄。但燒手足。或有地  
獄。盤繳鐵蛇。或有地獄。驅逐鐵狗。或有地  
獄。盡駕鐵騾<sup>カマ</sup>。仁者。如是等報。各各獄中。有  
百千種業道之器。無非是銅。是鐵。是石。是  
火。此四種物。衆業行感。若廣說地獄罪報

地藏菩薩本願經卷上 如來讚歎品第六

等事。一一獄中。更有百千種苦楚。何況多  
獄。我今承佛威神及仁者問。略說如是。若  
廣解說。窮劫不盡。

## 如來讚歎品第六

爾時世尊。舉身放大光明。徧照百千萬億



恆河沙等諸佛世界。出大音聲。普告諸佛世界。一切諸菩薩摩訶薩及天龍鬼神。人非人等。聽吾今日稱揚讚歎地藏菩薩摩訶薩。於十方世界。現大不可思議威神慈悲之力。救護一切罪苦之事。吾滅度後。汝

地藏菩薩本願經卷上 如來讚歎品第六

等諸菩薩大士及天龍鬼神等。廣作方便。衛護是經。令一切衆生證涅槃樂。ヲセ說是語已。會中有一菩薩。名曰普廣。合掌恭敬。而白佛言。今見世尊讚歎地藏菩薩。有如是不可思議大威神德。唯願世尊。爲未來世

末法衆生。宣說地藏菩薩利益人天因果等事。使諸天龍八部及未來世衆生。頂受佛語。爾時世尊。告普廣菩薩及四衆等。諦聽諦聽。吾當爲汝略說地藏菩薩利益人天福德之事。普廣白言。唯然。世尊。願樂欲

地藏菩薩本願經卷上 如來讚歎品第六

聞。佛告普廣菩薩。未來世中。若有善男子善女人。聞是地藏菩薩摩訶薩名者。或合掌者。讚歎者。作禮者。戀慕者。是人超越三十劫罪。普廣。若有善男子善女人。或彩畫形像。或土石膠漆。金銀銅鐵。作此菩薩。一

瞻一禮者。是人百返生於三十三天。永不墮於惡道。假如天福盡故。下生人間。猶爲國王。不失大利。若有女人。厭女人身。盡心供養地藏菩薩畫像及土石膠漆銅鐵等像。如是日日不退。常以華香飲食衣服繒

地藏菩薩本願經卷上 如來讚歎品第六

綵。幢。旛。錢。寶物等供養。是善女人。盡此一報女身。百千萬劫。更不生有女人世界。何況復受。除非慈願力故。要受女身。度脫衆生。承斯供養地藏力故及功德力。百千萬劫。不受女身。復次普廣。若有女人。厭是醜

陋。多疾病者。但於地藏像前。志心瞻禮。食頃之間。是人千萬劫中。所受生身。相貌圓滿。是醜陋女人。如不厭女身。即百千萬億生中。常爲王女。乃及王妃。宰輔大姓。大長者女。端正受生。諸相圓滿。由志心故。瞻禮

地藏菩薩本願經卷上 如來讚歎品第六

地藏菩薩。獲福如是。復次普廣。若有善男子善女人。能對菩薩像前。作諸伎樂及歌詠讚歎。香華供養。乃至勸於一人多人。如是等輩。現在世中及未來世。常得百千鬼神。日夜衛護。不令惡事出輒聞其耳。何況親

受諸橫。復次普廣。未來世中。若有惡人及惡神惡鬼。見有善男子善女人。歸敬供養。讚歎瞻禮。地藏菩薩形像。或妄生譏毀。謗無功德。及利益事。或露齒笑。或背面非。或勸人共非。或一人非。或多人非。乃至一念

地藏菩薩本願經卷上 如來讚歎品第六

生譏毀者。如是之人。賢劫千佛滅度。譏毀之報。尚在阿鼻地獄。受極重罪。過是劫已。方受餓鬼。又經千劫。復受畜生。又經千劫。方得人身。縱受人身。貧窮下賤。諸根不具。多被惡業。來結其心。不久之間。復墮惡道。

是故普廣。譏毀他人供養。尚獲此報。何況  
別生惡見毀滅。復次普廣。若未來世。有男  
子女人。久處床枕。求生求死。了不可得。或  
夜夢惡鬼。乃及家親。或遊險道。或多魘寐。一乃  
共鬼神遊。日月歲深。轉復尪瘵。出勞眠中叫苦。ハハ

地藏菩薩本願經卷上 如來讚歎品第六

慘悽不樂者。此皆是業道論對。未定輕重。  
或難捨壽。或不得愈。男女俗眼。不辨是事。  
但當對諸佛菩薩像前。高聲轉讀此經一  
徧。或取病人可愛之物。或衣服寶貝。莊園  
舍宅。對病人前。高聲唱言。我某甲等。爲是

病人對經像前。捨諸等物。或供養經像。或造佛菩薩形像。或造塔寺。或然油燈。或施常住。如是三白病人。遣令聞知。假令諸識分散。至氣盡者。乃至一日二日三日四日。至七日已來。但高聲白。高聲讀經。是人命

地藏菩薩本願經卷上 如來讚歎品第六

終之後。宿殃重罪。至於五無間罪。永得解脫。所受生處。常知宿命。何況善男子善女人。自書此經。或教人書。或自塑畫菩薩形像。乃至教人塑畫。所受果報。必獲大利。是故普廣。若見有人讀誦是經。乃至一念讚

歎是經。或恭敬者。汝須百千方便。勸是等人。勤心莫退。能得未來現在千萬億不可思議功德。復次普廣。若未來世諸衆生等。或夢或寐。見諸鬼神。乃及諸形。或悲或啼。或愁或歎。或恐或怖。此皆是一生十生百

地藏菩薩本願經卷上 如來讚歎品第六

生千生。過去父母。男女弟妹。夫妻眷屬。在於惡趣。未得出離。無處希望。福力救拔。當告宿世骨肉。使作方便。願離惡道。普廣。汝以神力。遣是眷屬。令對諸佛菩薩像前。志心自讀此經。或請人讀。其數三徧。或七徧。



如是惡道眷屬。經聲畢是徧數。當得解脫。乃至夢寐之中。永不復見。復次普廣。若未來世。有諸下賤等人。或奴或婢。乃至諸不自由之人。覺知宿業。要懺悔者。志心瞻禮地藏菩薩形像。乃至一七日中。念菩薩名。

地藏菩薩本願經卷上 如來讚歎品第六

可滿萬徧。如是等人。盡此報後。千萬生中。常生尊貴。更不經三惡道苦。復次普廣。若未來世中。閻浮提內。刹利婆羅門。長者居士。一切人等。及異姓種族。有新產者。或男或女。七日之中。早與讀誦。此不思議經典。

更爲念菩薩名。可滿萬徧。是新生子。或男或女。宿有殃報。便得解脫。安樂易養。壽命增長。若是承福生者。轉增安樂。及與壽命。復次普廣。若未來世衆生。於月一日。八日。十四日。十五日。十八日。二十三。二十四。二

地藏菩薩本願經卷上 如來讚歎品第六

十八。二十九日。乃至三十日。是諸日等。諸罪結集。定其輕重。南閻浮提衆生。舉止動念。無不是業。無不是罪。何況恣情殺害。竊盜。邪淫。妄語。百千罪狀。能於是十齋日。對佛菩薩。諸賢聖像前。讀是經一徧。東西南

北。百由旬內。無諸災難。當此居家。若長若幼。現在未來。百千歲中。永離惡趣。能於十齋日。每轉一徧。現世令此居家。無諸橫病。衣食豐溢。是故普廣。當知地藏菩薩。有如是等不可說百千萬億。大威神力。利益之

地藏菩薩本願經卷上 如來讚歎品第六

事。閻浮衆生。於此大士。有大因緣。是諸衆生。聞菩薩名。見菩薩像。乃至聞是經三字。五字。或一偈一句者。現在殊妙安樂。未來之世。百千萬生。常得端正。生尊貴家。爾時普廣菩薩。聞佛如來。稱揚讚歎地藏菩薩。

已。胡跪合掌。復白佛言。世尊。我久知是大  
士。有如此不可思議神力及大誓願力。爲  
未來衆生。遣知利益。故問如來。唯然頂受。  
世尊。當何名此經。使我云何流布。佛告普  
廣。此經有三名。一名地藏本願。亦名地藏

地藏菩薩本願經卷上 如來讚歎品第六

本行。亦名地藏本誓力經。緣此菩薩。久遠  
劫來。發大重願。利益衆生。是故汝等。依願  
流布。普廣聞已。合掌恭敬。作禮而退。

地藏菩薩本願經卷上

# 地藏菩薩本願經卷下

唐于闐國三藏沙門實叉難陀譯

## 利益存亡品第七

爾時地藏菩薩摩訶薩白佛言。世尊。我觀是閻浮衆生。舉心動念。無非是罪。脫獲善

地藏菩薩本願經卷下 利益存亡品第七

利多退初心。若遇惡緣。念念增益。是等輩人。如履泥塗。負於重石。漸困漸重。足步深遽。若得遇知識。替與減負。或全與負。是知識有大力故。復相扶助。勸令牢脚。若達平地。須省惡路。無再經歷。世尊。習惡衆生。從

纖毫間。便至無量。是諸衆生。有如此習。臨命終時。父母眷屬。宜爲設福。以資前路。或懸旛蓋ㄟㄌ及然油燈。或轉讀尊經。或供養佛像。及諸聖像。乃至念佛菩薩。及辟支佛名字。一名一號。歷臨終人耳根。或聞在本識。

地藏菩薩本願經卷下 利益存亡品第七

是諸衆生。所造惡業。計其感果。必墮惡趣。緣是眷屬。爲臨終人。修此聖因。如是衆罪。悉皆消滅。若能更爲身死之後。七七日內。廣造衆善。能使是諸衆生。永離惡趣。得生人天。受勝妙樂。現在眷屬。利益無量。是故

我今對佛世尊及天龍八部。人非人等。勸於閻浮提衆生。臨終之日。慎勿殺害及造惡緣。拜祭鬼神。求諸魍魎×尤カ尤。何以故。爾所殺害。乃至拜祭。無纖毫之力。利益亡人。但結罪緣。轉增深重。假使來世或現在生。得獲

地藏菩薩本願經卷下 利益存亡品第七

聖分。生人天中。緣是臨終。被諸眷屬。造是惡因。亦令是命終人。殃累對辯。晚生善處。何況臨命終人。在生未曾有少善根。各據本業。自受惡趣。何忍眷屬更爲增業。譬如有人從遠地來。絕糧三日。所負擔物。強過

百斤。忽遇鄰人。更附少物。以是之故。轉復困重。世尊。我觀閻浮衆生。但能於諸佛教中。乃至善事。一毛一滯。一沙一塵。如是利益。悉皆自得。說是語時。會中有一長者。名曰大辯。是長者久證無生化度十方。現長

地藏菩薩本願經卷下 利益存亡品第七

者身。合掌恭敬。問地藏菩薩言。大士。是南閻浮提衆生。命終之後。小大眷屬。爲修功德。乃至設齋。造衆善因。是命終人。得大利益。及解脫不。地藏答言。長者。我今爲未來現在一切衆生。承佛威力。略說是事。長者。



未來現在諸衆生等。臨命終日。得聞一佛名。一菩薩名。一辟支佛名。不問有罪無罪。悉得解脫。若有男子女人。在生不修善因。多造衆罪。命終之後。眷屬小大。爲造福利。一切聖事。七分之一。而乃獲一。六分功德。

地藏菩薩本願經卷下 利益存亡品第七

生者自利。以是之故。未來現在善男女等。聞健自修。分分已獲。無常大鬼。不期而到。冥冥遊神。未知罪福。七七日內。如癡如聾。或在諸司。辯論業果。審定之後。據業受生。未測之間。千萬愁苦。何況墮於諸惡趣等。

是命終人。未得受生。在七七日內。念念之間。望諸骨肉眷屬。與造福力救拔。過是日後。隨業受報。若是罪人。動經千百歲中。無解脫日。若是五無間罪。墮大地獄。千劫萬劫。永受衆苦。復次長者。如是罪業衆生。命

地藏菩薩本願經卷下 利益存亡品第七

終之後。眷屬骨肉。爲修營齋。資助業道。未齋食竟。及營齋之次。米泔《丐》菜葉。不棄於地。乃至諸食。未獻佛僧。勿得先食。如有違食。及不精勤。是命終人。了不得力。如精勤護淨。奉獻佛僧。是命終人。七分獲一。是故長

者。閻浮衆生。若能爲其父母乃至眷屬。命終之後。設齋供養。志心勤懇。如是之人。存亡獲利。說是語時。忉利天宮。有千萬億那由他閻浮鬼神。悉發無量菩提之心。大辯長者。作禮而退。

地藏菩薩本願經卷下 閻羅王眾讚歎品第八

## 閻羅王眾讚歎品第八

爾時鐵圍山內。有無量鬼王與閻羅天子。俱詣忉利。來到佛所。所謂惡毒鬼王。多惡鬼王。大諍鬼王。白虎鬼王。血虎鬼王。赤虎鬼王。散殃鬼王。飛身鬼王。電光鬼王。狼牙

鬼王。千眼鬼王。噉獸クツ鬼王。負石鬼王。主耗  
鬼王。主禍鬼王。主食鬼王。主財ヒ鬼王。主畜  
鬼王。主禽ヒ鬼王。主獸ヒ鬼王。主魅ヒ鬼王。主產  
鬼王。主命ヒ鬼王。主疾ヒ鬼王。主險ヒ鬼王。三目  
鬼王。四目ヒ鬼王。五目ヒ鬼王。祁利ヒ失ヒ王。大祁ヒ

地藏菩薩本願經卷下 閻羅王眾讚歎品第八

利失ヒ王。祁利ヒ叉ヒ王。大祁ヒ利ヒ叉ヒ王。阿那吒ヒ王。  
大阿那吒ヒ王。如是等大鬼王。各各與百千  
諸小鬼王。盡居閻ヒ浮ヒ提ヒ。各有所執。各有所  
主。是諸鬼王與閻羅ヒ天子。承佛威神及地  
藏菩薩摩訶薩力。俱詣ヒ忉ヒ利ヒ。在一面立。爾

時閻羅天子。胡跪合掌。白佛言。世尊。我等  
今者與諸鬼王。承佛威神。及地藏菩薩摩  
訶薩力。方得詣此<sup>一</sup>忉利大會。亦是我等獲  
善利故。我今有小疑事。敢問世尊。唯願世  
尊。慈悲宣說。佛告閻羅天子。恣汝所問。吾

地藏菩薩本願經卷下 閻羅王眾讚歎品第八

爲汝說。是時閻羅天子。瞻禮世尊。及迴視  
地藏菩薩。而白佛言。世尊。我觀地藏菩薩  
在六道中。百千方便。而度罪苦衆生。不辭  
疲倦。是大菩薩。有如是不可思議神通之  
事。然諸衆生。脫獲罪報。未久之間。又墮惡

道。世尊。是地藏菩薩既有如是不可思議  
神力。云何衆生而不依止善道。永取解脫。  
唯願世尊。爲我解說。佛告閻羅天子。南閻一乃  
浮提衆生。其性剛強。難調難伏。是大菩薩。  
於百千劫。頭頭救拔。如是衆生。早令解脫。

地藏菩薩本願經卷下 閻羅王眾讚歎品第八

是罪報人乃至墮大惡趣。菩薩以方便力。  
拔出根本業緣。而遣悟宿世之事。自是閻一乃  
浮衆生。結惡習重。旋出旋入。勞斯菩薩。久  
經劫數。而作度脫。譬如有人。迷失本家。誤  
入險道。其險道中。多諸夜叉及虎狼師子。

蚺蛇蝮蠍ヒヤヒヤ。如是迷人。在險道中。須臾之間。即遭諸毒。有一知識。多解大術。善禁是毒。乃及夜叉。諸惡毒等。忽逢迷人。欲進險道。而語之言。咄哉クセ男子。爲何事故。而入此路。有何異術。能制諸毒。是迷路者。忽聞是語。

地藏菩薩本願經卷下 閻羅王眾讚歎品第八

方知險道。即便退步。求出此路。是善知識。提攜接手。引出險道。免諸惡毒。至於好道。令得安樂。而語之言。咄哉クセ迷人。自今已後。勿履是道。此路入者。卒難得出。復損性命。是迷路者。亦生感重。臨別之時。知識又言。

若見親知及諸路人。若男若女。言於此路。多諸毒惡。喪失性命。無令是衆。自取其死。是故地藏菩薩具大慈悲。救拔罪苦衆生。欲生人天中。令受妙樂。是諸罪衆。知業道苦。脫得出離。永不再歷。如迷路人。誤入險

地藏菩薩本願經卷下

閻羅王眾讚歎品第八

道。遇善知識。引接令出。永不復入。逢見他人。復勸莫入。自言因是迷故。得解脫竟。更不復入。若再履踐。猶尙迷誤。不覺舊曾所落險道。或致失命。如墮惡趣。地藏菩薩方便力故。使令解脫。生人天中。旋又再入。若



業結重。永處地獄。無解脫時。爾時惡毒鬼  
王。合掌恭敬。白佛言。世尊。我等諸鬼王。其  
數無量。在閻浮提。或利益人。或損害人。各  
各不同。然是業報。使我眷屬。遊行世界。多  
惡少善。過人家庭。或城邑聚落。莊園房舍。

地藏菩薩本願經卷下 閻羅王眾讚歎品第八

或有男子女人。修毛髮善事。乃至懸一旛  
一蓋。少香少華。供養佛像及菩薩像。或轉  
讀尊經。燒香供養。一句一偈。我等鬼王。敬  
禮是人。如過去現在未來諸佛。勅諸小鬼。  
各有大力。及土地分。便令衛護。不令惡事

橫事。惡病橫病。乃至不如意事。近於此舍等處。何況入門。佛讚鬼王。善哉善哉。汝等及與閻羅ㄟ。能如是擁護善男女等。吾亦告梵王帝釋。令衛護汝。說是語時。會中有一鬼王。名曰主命。白佛言。世尊。我本業緣。主

地藏菩薩本願經卷下 閻羅王眾讚歎品第八

閻ㄟ浮人命。生時死時。我皆主之。在我本願。甚欲利益。自是衆生。不會我意。致令生死。俱不得安。何以故。是閻ㄟ浮提人。初生之時。不問男女。或欲生時。但作善事。增益舍宅。自令土地。無量歡喜。擁護子母。得大安樂。

利益眷屬。或已生下。慎勿殺害。取諸鮮味。供給產母。及廣聚眷屬。飲酒食肉。歌樂絃管。能令子母。不得安樂。何以故。是產難時。有無數惡鬼及魍魎スル精魅カユ。欲食腥血。是我早令舍宅土地靈祇クニ。荷護子母。使令安樂。

地藏菩薩本願經卷下 閻羅王眾讚歎品第八

而得利益。如是之人。見安樂故。便合設福。答諸土地。翻爲殺害。聚集眷屬。以是之故。犯殃自受。子母俱損。又閻浮提ニフ。臨命終人。不問善惡。我欲令是命終之人。不落惡道。何況自修善根。增我力故。是閻浮提ニフ行善。

之人。臨命終時。亦有百千惡道鬼神。或變作父母。乃至諸眷屬。引接亡人。令落惡道。何況本造惡者。世尊。如是閻浮提<sup>一云</sup>男子。女人。臨命終時。神識<sup>一云</sup>惛昧。不辯善惡。乃至眼耳。更無見聞。是諸眷屬。當須設大供養。轉

地藏菩薩本願經卷下 閻羅王眾讚歎品第八

讀尊經。念佛菩薩名號。如是善緣。能令亡者。離諸惡道。諸魔鬼神。悉皆退散。世尊。一切衆生。臨命終時。若得聞一佛名。一菩薩名。或大乘經典。一句一偈。我觀如是輩人。除五無間殺害之罪。小小惡業。合墮惡趣。

者。尋即解脫。佛告主命鬼王。汝大慈故。能發。如是大願。於生死中。護諸衆生。若未來世中。有男子女人。至生死時。汝莫退是願。總令解脫。永得安樂。鬼王白佛言。願不有慮。我畢是形。念念擁護閻浮衆生。生時死

地藏菩薩本願經卷下

閻羅王眾讚歎品第八

時。俱得安樂。但願諸衆生。於生死時。信受我語。無不解脫。獲大利益。爾時佛告地藏菩薩。是大鬼王主命者。已曾經百千生。作大鬼王。於生死中。擁護衆生。是大士慈悲願故。現大鬼身。實非鬼也。却後過一百七

十劫。當得成佛。號曰無相如來。劫名安樂。世界名淨住。其佛壽命。不可計劫。地藏。是大鬼王。其事如是。不可思議。所度天人。亦不可限量。

## 稱佛名號品第九

地藏菩薩本願經卷下 稱佛名號品第九

爾時地藏菩薩摩訶薩白佛言。世尊。我今爲未來衆生。演利益事。於生死中。得大利益。唯願世尊。聽我說之。佛告地藏菩薩。汝今欲興慈悲。救拔一切罪苦六道衆生。演不思議事。今正是時。唯當速說。吾即涅槃。

使汝早畢是願。吾亦無憂。現在未來一切衆生。地藏菩薩白佛言。世尊。過去無量阿僧祇劫。有佛出世。號無邊身如來。若有男子女人。聞是佛名。暫生恭敬。即得超越四十劫生死重罪。何況塑畫形像。供養讚歎。

地藏菩薩本願經卷下 稱佛名號品第九

其人獲福。無量無邊。又於過去恆河沙劫。有佛出世。號寶性如來。若有男子女人。聞是佛名。一彈指頃。發心歸依。是人於無上道。永不退轉。又於過去。有佛出世。號波頭摩勝如來。若有男子女人。聞是佛名。歷於

耳根。是人當得千返生於六欲天中。何況志心稱念。又於過去不可說不可說阿僧祇劫。有佛出世。號師子吼如來。若有男子女人。聞是佛名。一念歸依。是人得遇無量諸佛。摩頂授記。又於過去。有佛出世。號拘

地藏菩薩本願經卷下 稱佛名號品第九

留孫佛。若有男子女人。聞是佛名。志心瞻禮。或復讚歎。是人於賢劫千佛會中。爲大梵王。得授上記。又於過去。有佛出世。號毘婆尸。若有男子女人。聞是佛名。永不墮惡道。常生人天。受勝妙樂。又於過去無量無



數恆河沙劫。有佛出世。號寶勝如來。若有  
男子女人。聞是佛名。畢竟不墮惡道。常在  
天上。受勝妙樂。又於過去。有佛出世。號寶  
相如來。若有男子女人。聞是佛名。生恭敬  
心。是人不久得阿羅漢果。又於過去無量

地藏菩薩本願經卷下 稱佛名號品第九

阿僧祇劫。有佛出世。號袈裟幢如來。若有  
男子女人。聞是佛名者。超一百大劫生死  
之罪。又於過去。有佛出世。號大通山王如  
來。若有男子女人。聞是佛名者。是人得遇  
恆河沙佛。廣爲說法。必成菩提。又於過去。

有淨月佛。山王佛。智勝佛。淨名王佛。智成就佛。無上佛。妙聲佛。滿月佛。月面佛。有如  
是等不可說佛。世尊。現在未來。一切衆生。  
若天若人。若男若女。但念得一佛名號。功  
德無量。何況多名。是衆生等。生時死時。自

地藏菩薩本願經卷下 稱佛名號品第九

得大利。終不墮惡道。若有臨命終人。家中  
眷屬。乃至一人。爲是病人。高聲念一佛名。  
是命終人。除五無間罪。餘業報等。悉得消  
滅。是五無間罪。雖至極重。動經億劫。了不  
得出。承斯臨命終時。他人爲其稱念佛名。

於是罪中。亦漸消滅。何況衆生。自稱自念。獲福無量。滅無量罪。

## 校量布施功德緣品第十

爾時地藏菩薩摩訶薩。承佛威神。從座而起。胡跪合掌。白佛言。世尊。我觀業道衆生。

地藏菩薩本願經卷下

校量布施功德緣品第十

校量布施。有輕有重。有一生受福。有十生受福。有百生千生受大福利者。是事云何。唯願世尊。爲我說之。爾時佛告地藏菩薩。吾今於<sup>勿</sup>忉利<sup>天</sup>宮。一切衆會。說<sup>之</sup>閻浮提<sup>提</sup>布施。校量功德輕重。汝當諦聽。吾爲汝說。地

藏白佛言。我疑是事。願樂欲聞。佛告地藏菩薩。南閻浮提<sup>ニフ</sup>。有諸國王。宰輔大臣。大長者。大刹利。大婆羅門等。若遇最下貧窮。乃至癡殘<sup>カズ</sup>。瘖啞<sup>一フ</sup>。聾癡無目。如是種種不完具者。是大國王等。欲布施時。若能具大慈悲。

地藏菩薩本願經卷下 校量布施功德緣品第十

下心含笑。親手徧布施。或使人施。軟言慰喻。是國王等。所獲福利。如布施百恆河沙佛功德之利。何以故。緣是國王等。於是最貧賤輩。及不完具者。發大慈心。是故福利。有如此報。百千生中。常得七寶具足。何況

衣食受用。復次地藏。若未來世。有諸國王。至婆羅門等。遇佛塔寺。或佛形像。乃至菩薩。聲聞。辟支佛像。躬自營辦。供養布施。是國王等。當得三劫。爲帝釋身。受勝妙樂。若能以此布施福利。迴向法界。是大國王等。

地藏菩薩本願經卷下 校量布施功德緣品第十

於十劫中。常爲大梵天王。復次地藏。若未來世。有諸國王。至婆羅門等。遇先佛塔廟。或至經像。毀壞破落。乃能發心修補。是國王等。或自營辦。或勸他人。乃至百千人等。布施結緣。是國王等。百千生中。常爲轉輪

王身。如是他人。同布施者。百千生中。常爲小國王身。更能於塔廟前。發迴向心。如是國王。乃至諸人。盡成佛道。以此果報。無量無邊。復次地藏。未來世中。有諸國王及婆羅門等。見諸老病及生產婦女。若一念間。

地藏菩薩本願經卷下 校量布施功德緣品第十

具大慈心。布施醫藥。飲食臥具。使令安樂。如是福利。最不思議。一百劫中。常爲淨居天主。二百劫中。常爲六欲天主。畢竟成佛。永不墮惡道。乃至百千生中。耳不聞苦聲。復次地藏。若未來世中。有諸國王及婆羅

門等。能作如是布施。獲福無量。更能迴向。不問多少。畢竟成佛。何況釋梵轉輪之報。是故地藏。普勸衆生。當如是學。復次地藏。未來世中。若善男子善女人。於佛法中。種少善根。毛髮沙塵等許。所受福利。不可爲

地藏菩薩本願經卷下 校量布施功德緣品第十

喻。復次地藏。未來世中。若有善男子善女人。遇佛形像。菩薩形像。辟支佛形像。轉輪王形像。布施供養。得無量福。常在人天。受勝妙樂。若能迴向法界。是人福利。不可爲喻。復次地藏。未來世中。若有善男子善女

人。遇大乘經典。或聽聞一偈一句。發殷重心。讚歎恭敬。布施供養。是人獲大果報。無量無邊。若能迴向法界。其福不可爲喻。復次地藏。若未來世中。有善男子善女人。遇佛塔寺。大乘經典。新者。布施供養。瞻禮讚

地藏菩薩本願經卷下 校量布施功德緣品第十

歎。恭敬合掌。若遇故者。或毀壞者。修補營理。或獨發心。或勸多人。同共發心。如是等輩。三十生中。常爲諸小國王。檀越之人。常爲輪王。還以善法。教化諸小國王。復次地藏。未來世中。若有善男子善女人。於佛法



中。所種善根。或布施供養。或修補塔寺。或裝理經典。乃至一毛一塵。一沙一滯<sup>久</sup>。如是善事。但能迴向法界。是人功德。百千生中。受上妙樂。如但迴向自家眷屬。或自身利益。如是之果。即三生受樂。捨一得萬報。是

地藏菩薩本願經卷下 地神護法品第十一

故地藏。布施因緣。其事如是。

## 地神護法品第十一

爾時堅牢地神白佛言。世尊。我從昔來。瞻視頂禮無量菩薩摩訶薩。皆是大大不可思議神通智慧。廣度衆生。是地藏菩薩摩訶

薩於諸菩薩。誓願深重。世尊。是地藏菩薩於閻浮提<sup>ㄟ</sup>。有大因緣。如文殊普賢。觀音彌勒。亦化百千身形。度於六道。其願尚有畢竟。是地藏菩薩教化六道一切衆生。所發誓願劫數。如千百億恆河沙。世尊。我觀未

地藏菩薩本願經卷下 地神護法品第十一

來及現在衆生。於所住處。於南方清潔之地。以土石竹木。作其龕室<sup>ㄟ</sup>。是中能塑畫。乃至金銀銅鐵。作地藏形像。燒香供養。瞻禮讚歎。是人居處。即得十種利益。何等爲十。一者。土地豐壤。二者。家宅永安。三者。先亡

生天。四者。現存益壽。五者。所求遂意。六者。無水火災。七者。虛耗辟除。八者。杜絕惡夢。九者。出入神護。十者。多遇聖因。世尊。未來世中及現在衆生。若能於所住處方面。作如是供養。得如是利益。復白佛言。世尊。未

地藏菩薩本願經卷下 地神護法品第十一

來世中。若有善男子善女人。於所住處。有此經典及菩薩像。是人更能轉讀經典。供養菩薩。我常日夜。以本神力。衛護是人。乃至水火盜賊。大橫小橫。一切惡事。悉皆消滅。佛告堅牢地神。汝大神力。諸神少及。何

以故。閻浮<sub>ニ</sub>土地。悉蒙汝護。乃至草木沙石。稻麻竹葦。穀米寶貝。從地而有。皆因汝力。又當稱揚地藏菩薩利益之事。汝之功德。及以神通。百千倍於常分地神。若未來世中。有善男子善女人。供養菩薩及轉讀是

地藏菩薩本願經卷下 地神護法品第十一

經。但依地藏本願經一事修行者。汝以本神力而擁護之。勿令一切災惠及不如意事。輒聞於耳。何況令受。非但汝獨護是人。故。亦有釋梵眷屬。諸天眷屬。擁護是人。何故得如是聖賢擁護。皆由瞻禮地藏形像

及轉讀是本願經故。自然畢竟出離苦海。  
證涅槃樂。以是之故。得大擁護。

## 見聞利益品第十二

爾時世尊從頂門上。放百千萬億大毫相光。所謂白毫相光。大白毫相光。瑞毫相光。

地藏菩薩本願經卷下 見聞利益品第十二

大瑞毫相光。玉毫相光。大玉毫相光。紫毫相光。大紫毫相光。青毫相光。大青毫相光。碧毫相光。大碧毫相光。紅毫相光。大紅毫相光。綠毫相光。大綠毫相光。金毫相光。大金毫相光。慶雲毫相光。大慶雲毫相光。千

輪毫光。大千輪毫光。寶輪毫光。大寶輪毫光。日輪毫光。大日輪毫光。月輪毫光。大月輪毫光。宮殿毫光。大宮殿毫光。海雲毫光。大海雲毫光。於頂門上。放如是等毫相光。已。出微妙音。告諸大衆。天龍八部。人非人。

地藏菩薩本願經卷下 見聞利益品第十二

等。聽吾今日於<sub>勿</sub>利天宮。稱揚讚歎地藏菩薩。於人天中。利益等事。不思議事。超聖因事。證十地事。畢竟不退阿耨<sub>三</sub>多羅三藐三菩提事。說是語時。會中有一菩薩摩訶薩。名觀世音。從座而起。胡跪合掌白佛言。

世尊。是地藏菩薩摩訶薩。具大慈悲。憐愍コト罪苦衆生。於千萬億世界。化千萬億身。所有功德。及不思議威神之力。我聞世尊與十方無量諸佛。異口同音。讚歎地藏菩薩云。正使過去現在未來諸佛。說其功德。猶

地藏菩薩本願經卷下 見聞利益品第十二

不能盡。向者又蒙世尊。普告大衆。欲稱揚地藏利益等事。唯願世尊。爲現在未來一切衆生。稱揚地藏不思議事。令天龍八部瞻禮獲福。佛告觀世音菩薩。汝於娑婆世ムネ界。有大因緣。若天若龍。若男若女。若神若

鬼。乃至六道罪苦衆生。聞汝名者。見汝形者。戀慕汝者。讚歎汝者。是諸衆生。於無上道。必不退轉。常生人天。具受妙樂。因果將熟。遇佛授記。汝今具大慈悲。憐愍衆生及天龍八部。聽吾宣說地藏菩薩不思議利

地藏菩薩本願經卷下 見聞利益品第十二

益之事。汝當諦聽。吾今說之。觀世音言。唯然。世尊。願樂欲聞。佛告觀世音菩薩。未來現在諸世界中。有天人受天福盡。有五衰相現。或有墮於惡道之者。如是天人。若男若女。當現相時。或見地藏菩薩形像。或聞



地藏菩薩名。一瞻一禮。是諸天人。轉增天福。受大快樂。永不墮三惡道報。何況見聞菩薩。以諸香華。衣服飲食。寶貝瓔珞<sup>一ノカギ</sup>。布施供養。所獲功德福利。無量無邊。復次觀世音。若未來現在諸世界中。六道衆生。臨命

地藏菩薩本願經卷下 見聞利益品第十二

終時。得聞地藏菩薩名。一聲。歷耳根者。是諸衆生。永不歷三惡道苦。何況臨命終時。父母眷屬。將是命終人。舍宅財物。寶貝衣服。塑畫地藏形像。或使病人未終之時。眼耳見聞。知道眷屬。將舍宅寶貝等。爲其自

身。塑畫地藏菩薩形像。是人若是業報。合受重病者。承斯功德。尋即除愈。壽命增益。是人若是業報命盡。應有一切罪障業障。合墮惡趣者。承斯功德。命終之後。即生人天。受勝妙樂。一切罪障。悉皆消滅。復次觀

地藏菩薩本願經卷下

見聞利益品第十二

世音菩薩。若未來世。有男子女人。或乳哺時。或三歲五歲十歲已下。亡失父母。乃及亡失兄弟姊妹。是人年既長大。思憶父母及諸眷屬。不知落在何趣。生何世界。生何天中。是人若能塑畫地藏菩薩形像。乃至

聞名。一瞻一禮。一日至七日。莫退初心。聞名見形。瞻禮供養。是人眷屬。假因業故。墮惡趣者。計當劫數。承斯男女。兄弟姊妹。塑畫地藏形像。瞻禮功德。尋即解脫。生人天中。受勝妙樂。是人眷屬。如有福力。已生人

地藏菩薩本願經卷下 見聞利益品第十二

天。受勝妙樂者。即承斯功德。轉增聖因。受無量樂。是人更能三七日中。一心瞻禮地藏形像。念其名字。滿於萬徧。當得菩薩現無邊身。具告是人。眷屬生界。或於夢中。菩薩現大神力。親領是人。於諸世界。見諸眷

屬。更能每日念菩薩名千遍。至於千日。是人當得菩薩遣所在土地鬼神。終身衛護。現世衣食豐溢。無諸疾苦。乃至橫事。不入其門。何況及身。是人畢竟得菩薩摩頂授記。復次觀世音菩薩。若未來世。有善男子。

地藏菩薩本願經卷下 見聞利益品第十二

善女人。欲發廣大慈心。救度一切衆生者。欲修無上菩提者。欲出離三界者。是諸人等。見地藏形像及聞名者。至心歸依。或以香華衣服。寶貝飲食。供養瞻禮。是善男女等。所願速成。永無障礙。復次觀世音。若未

來世。有善男子善女人。欲求現在未來。百千萬億等願。百千萬億等事。但當歸依瞻禮。供養讚歎。地藏菩薩形像。如是所願所求。悉皆成就。復願地藏菩薩具大慈悲。永擁護我。是人於睡夢中。即得菩薩摩頂授

地藏菩薩本願經卷下 見聞利益品第十二

記。復次觀世音菩薩。若未來世。善男子善女人。於大乘經典。深生珍重。發不思議心。欲讀欲誦。縱遇明師。教視令熟。旋得旋忘。動經年月。不能讀誦。是善男子等。有宿業障。未得消除。故於大乘經典。無讀誦性。如

是之人。聞地藏菩薩名。見地藏菩薩像。具以本心。恭敬陳白。更以香華。衣服。飲食。一切玩具。供養菩薩。以淨水一盞。經一日一夜。安菩薩前。然後合掌請服。迴首向南。臨入口時。至心鄭重。服水既畢。慎五辛酒肉。

地藏菩薩本願經卷下 見聞利益品第十二

邪淫妄語及諸殺害。一七日。或三七日。是善男子善女人。於睡夢中。具見地藏菩薩現無邊身。於是人處。授灌頂水。其人夢覺。即獲聰明。應是經典。一歷耳根。即當永記。更不忘失一句一偈。復次觀世音菩薩。若

未來世。有諸人等。衣食不足。求者乖願。或多病疾。或多凶衰。家宅不安。眷屬分散。或諸橫事。多來忤<sup>x</sup>身。睡夢之間。多有驚怖。如是人等。聞地藏名。見地藏形。至心恭敬。念滿萬徧。是諸不如意事。漸漸消滅。即得安

地藏菩薩本願經卷下 見聞利益品第十二

樂。衣食豐溢。乃至於睡夢中。悉皆安樂。復次觀世音菩薩。若未來世。有善男子善女人。或因治生。或因公私。或因生死。或因急事。入山林中。過渡河海。乃及大水。或經險道。是人先當念地藏菩薩名萬徧。所過土

地。鬼神衛護。行住坐臥。永保安樂。乃至逢  
於虎狼師子。一切毒害。不能損之。佛告觀  
世音菩薩。是地藏菩薩於閻浮提<sup>一乃</sup>有大因  
緣。若說於諸衆生。見聞利益等事。百千劫  
中。說不能盡。是故觀世音。汝以神力。流布

地藏菩薩本願經卷下 見聞利益品第十二

是經。令娑婆<sup>△XT</sup>世界衆生。百千萬劫。永受安  
樂。爾時世尊。而說偈言。

吾觀地藏威神力 恆河沙劫說難盡  
見聞瞻禮一念間 利益人天無量事  
若男若女若龍神 報盡應當墮惡道



至心歸依大士身 壽命轉增除罪障  
少失父母恩愛者 未知魂神在何趣  
兄弟姊妹及諸親 生長以來皆不識  
或塑或畫大士身 悲戀瞻禮不暫捨  
三七日中念其名 菩薩當現無邊體

地藏菩薩本願經卷下 見聞利益品第十二

示其眷屬所生界 縱墮惡趣尋出離  
若能不退是初心 即獲摩頂受聖記  
欲修無上菩提者 乃至出離三界苦  
是人既發大悲心 先當瞻禮大士像  
一切諸願速成就 永無業障能遮止

有人發心念經典  
欲度羣迷超彼岸  
雖立是願不思議  
旋讀旋忘多廢失  
斯人有業障惑故  
於大乘經不能記  
供養地藏以香華  
衣服飲食諸玩具  
以淨水安大士前  
一日一夜求服之

地藏菩薩本願經卷下 見聞利益品第十二

發殷重心慎五辛  
酒肉邪淫及妄語  
三七日內勿殺害  
至心思念大士名  
即於夢中見無邊  
覺來便得利根耳  
應是經教歷耳聞  
千萬生中永不忘  
以是大士不思議  
能使斯人獲此慧

貧窮衆生及疾病  
家宅凶衰眷屬離  
睡夢之中悉不安  
求者乖違無稱遂  
至心瞻禮地藏像  
一切惡事皆消滅  
至於夢中盡得安  
衣食豐饒神鬼護  
欲入山林及渡海  
毒惡禽獸及惡人

地藏菩薩本願經卷下 見聞利益品第十二

惡神惡鬼并惡風  
一切諸難諸苦惱  
但當瞻禮及供養  
地藏菩薩大士像  
如是山林大海中  
應是諸惡皆消滅  
觀音至心聽吾說  
地藏無盡不思議  
百千萬劫說不周  
廣宣大士如是力

地藏名字人若聞 乃至見像瞻禮者  
香華衣服飲食奉 供養百千受妙樂  
若能以此迴法界 畢竟成佛超生死  
是故觀音汝當知 普告恆沙諸國土  
囑累人天品第十三

地藏菩薩本願經卷下 囑累人天品第十三

爾時世尊舉金色臂。又摩地藏菩薩摩訶  
薩頂。而作是言。地藏地藏。汝之神力不可  
思議。汝之慈悲不可思議。汝之智慧不可  
思議。汝之辯才不可思議。正使十方諸佛  
讚歎宣說。汝之不思議事。千萬劫中不能

得盡地藏地藏。記吾今日在忉利天中。於  
百千萬億不可說不可說一切諸佛菩薩。  
天龍八部大會之中。再以人天諸衆生等。  
未出三界。在火宅中者。付囑於汝。無令是  
諸衆生墮惡趣中。一日一夜。何況更落五

地藏菩薩本願經卷下 囑累人天品第十三

無間及阿鼻地獄。動經千萬億劫。無有出  
期。地藏是南閻浮提衆生。志性無定。習惡  
者多。縱發善心。須臾即退。若遇惡緣。念念  
增長。以是之故。吾分是形。百千億化度。隨  
其根性。而度脫之。地藏。吾今慇懃。以天人

衆付囑於汝。未來之世。若有天人及善男子。善女人。於佛法中。種少善根。一毛一塵。一沙一滯。勿汝以道力。擁護是人。漸修無上。勿令退失。復次地藏。未來世中。若天若人。隨業報應。落在惡趣。臨墮趣中。或至門首。

地藏菩薩本願經卷下 囑累人天品第十三

是諸衆生。若能念得一佛名。一菩薩名。一句一偈。大乘經典。是諸衆生。汝以神力。方便救拔。於是人所。現無邊身。爲碎地獄。遣令生天。受勝妙樂。爾時世尊。而說偈言。

現在未來天人衆 吾今殷懃付囑汝

以大神通方便度。勿令墮在諸惡趣。爾時地藏菩薩摩訶薩。胡跪合掌。白佛言。世尊。唯願世尊。不以爲慮。未來世中。若有善男子善女人。於佛法中。一念恭敬。我亦百千方便。度脫是人。於生死中。速得解脫。

地藏菩薩本願經卷下 囑累人天品第十三

何況聞諸善事。念念修行。自然於無上道。永不退轉。說是語時。會中有一菩薩。名虛空藏。白佛言。世尊。我自至<sub>勿</sub>切利。聞於如來。讚歎地藏菩薩。威神勢力。不可思議。未來世中。若有善男子善女人。乃及一切天龍。

聞此經典及地藏名字。或瞻禮形像。得幾種福利。唯願世尊。爲未來現在一切衆等。略而說之。佛告虛空藏菩薩。諦聽諦聽。吾當爲汝分別說之。若未來世。有善男子善女人。見地藏形像及聞此經。乃至讀誦。香

地藏菩薩本願經卷下 囑累人天品第十三

華飲食。衣服珍寶。布施供養。讚歎瞻禮。得二十八種利益。一者。天龍護念。二者。善果日增。三者。集聖上因。四者。菩提不退。五者。衣食豐足。六者。疾疫不臨。七者。離水火災。八者。無盜賊厄。九者。人見欽敬。十者。神鬼



助持。十一者。女轉男身。十二者。爲王臣女。十三者。端正相好。十四者。多生天上。十五者。或爲帝王。十六者。宿智命通。十七者。有求皆從。十八者。眷屬歡樂。十九者。諸橫消滅。二十者。業道永除。二十一者。去處盡通。

地藏菩薩本願經卷下 囑累人天品第十三

二十二者。夜夢安樂。二十三者。先亡離苦。二十四者。宿福受生。二十五者。諸聖讚歎。二十六者。聰明利根。二十七者。饒慈愍心。ロク二十八者。畢竟成佛。復次虛空藏菩薩。若現在未來。天龍鬼神。聞地藏名。禮地藏形。

或聞地藏本願事行。讚歎瞻禮。得七種利益。一者。速超聖地。二者。惡業消滅。三者。諸佛護臨。四者。菩提不退。五者。增長本力。六者。宿命皆通。七者。畢竟成佛。爾時十方一切諸來。不可說不可說。諸佛如來及大菩薩。

地藏菩薩本願經卷下 囑累人天品第十三

薩。天龍八部。聞釋迦牟尼佛。稱揚讚歎地藏菩薩。大威神力。不可思議。歎未曾有。是時<sup>勿么</sup>忉利天。雨無量香華。天衣珠瓔<sup>一</sup>。供養釋迦牟尼佛及地藏菩薩已。一切衆會。俱復瞻禮。合掌而退。

# 地藏菩薩本願經卷下

地藏菩薩本願經卷下 囑累人天品第十三

## 地藏讚

地藏菩薩妙難倫 化現金容處處分

三塗六道聞妙法 四生十類蒙慈恩

明珠照徹天堂路 金錫振開地獄門

累劫親姻蒙接引 九蓮臺畔禮慈尊

南無九華山幽冥世界 大慈大悲

地藏王菩薩

南無地藏王菩薩

(數百千聲)

迴向偈

願以此功德 莊嚴佛淨土

上報四重恩 下濟三塗苦

若有見聞者 悉發菩提心

盡此一報身 同生極樂國

## 附註：

本書《地藏經》經文係依據金陵刻經處，公元二〇〇〇四年重印之《地藏菩薩本願經》木刻版本，重新排版印製。

惟第一四〇頁「遣悟宿世之事」，依據版本為「遺悟宿世之事」，經查《龍藏》及《大正藏》，並依文義，疑為訛誤，故採「遣」字。

此頁放韋馱菩薩

華藏版權—2006年7月敬印1500本  
(此版面不加芳名錄)